

# INUIT ATAQATIGIIT

## Inatsisartuni



20.08.2020

UKA 2020/48

Inatsisartut suleriaasianni § 33 naapertorlugu matumuuna inatsisartunut aala-jangiiffisassatut siunnersuut imaattoq saqqummiuppara:

**Uumasut naasullu avataanit eqqunneqartut pillugit UKA2021 nallertinnagu nassuiaammik saqqummiussinissamik Naalakkersuisut peqquneqarnissaannik Inatsisartuni aalajangiiffisassatut siunnersuut. Nassuiaat minnerpaamik tulluuttut uku pillugit paasissutissanik imaqassaaq: ajornartorsiutip annertussusai, maleruagassiassanut siunnersuutit, pinaveersaartitsineq, nakkutiginninneq kiisalu uumasunik naasunillu eqqussanik navianartorsiortitsisinnaasunik akiuiniarneq kiisalu suliniutit taakku aningaasalersornissaat.**

(Inatsisartunut ilaasortaq Aqqaluaq B. Egede, Inuit Ataqatigiit)

### **Tunnngavilersuut:**

Nunalerineq nunatsinni akilersinnaaninngortariaqarpoq, tamannalu soorunami avatagiisitsinnut erianginnittumik pisariaqarpoq. Taamaattumillu pinngortitamut avatagiisimullu atuinermut ersarissunik attaneqarsinnaasumik nunalerisoqartuaqqullugu inatsiseqartariaqarpugut. Nunatsinni nunalerinikkut pitsaassutsimik pilersitsiniarnermi nunatta avataaniit naggorissaatinik naatitsinermilu siuarsaatissanik atuneq assut nakkutigisassaasoq ukioq manna uppersarvarput. Nalunngisatsituut dræbersnegl-it nunatta kujataani nunalerisut nunaataanni siammariartuutilerput. Tamanna ersiutaavoq nunalerinermi nunatta avataaniit pilersuutigisatta mianersortumik ingerlanneqarnissaannut iliuuseqartariaqarnitsinnik.

Ukiut arlaqanngitsut matuma siorna nunatta avataani nunalerisorpassuit ajutoorutigisimasaat, tassa dræbersnegl-it , nunatsinni nunalersortatsinnik eqquinerlussagaluarpata nunalerinermik inuussutissarsiut kisiat innarlernagu nunatta inuisalu aningaasaqarnerannut pitsaanngitsumik sunniuteqassasoq nalunangereerpoq.

Naalakkersuisut piaarnerpaamik uumasut naasullu nunatsinnut eqqunneqartut qanoq ajornartorsiutaatiginerannik qulaajaanissaat, taamaaliornikkut ajornartorsiutit sapinngisamik piaarnerpaamik aaqinneqarnissaat siunnersuuteqarnikkut siunertaraara.

Taamaammat uumasut naasullu maaniittunik navianartorsiortitsisinnaasut pillugit nassuiaasiornissamik Naalakkersuisut peqquneqassasut siunnersuuteqarpunga.

Nunatsinni savaateqarnermik inuussutissarsiutit kiisalu nunalerinermik inuussutissarsiutit ataqatigiilluinnartuummata mianerineqartariaqarput. Mianerinninneq piujuartitsinerlu aamma inatsisiliornikkut erseqqissumik malittarisassaqtitsinikkut pisariaqalerpoq.

Taamatullu pingaartigaaq Naalakkersuinikkut politikatta ukiorpanni nunalerisunut nersutaateqartunullu siuarsaanissamik ujartuiffiusoq erseqqilluinnartumik siunnerfeqalernissaa. Inuit Ataqatigiit sinnerlugit ukiuni arlaqartuni maani inersuarmit suleqataareerlunga naqissuserlara;

pitsaasutut isiginnginnara Naalackersuinikkut nunalerisortatsinnut savaateqarnermillu  
inuussutissarsiortortatsinnut aningaasalersuinikkut siuariartortitsinissaq  
akilersinnaasunnorsaanissarlu assut amigaataaneri.

Taamaamat nassuiaasiornissamik siunnersuutiga Naalackersuisut nunalerinermut immikkoortumi  
sukumiisumik suliniutinut arlalinnut, taamatullu Nunalerineq pillugu Isumalioqatigiissitap  
kaammattuutaasa erinitsaanneqartut piviusunnortinnissaannut aallartitsissutigissagaat  
neriuutigaa.

Nuna imminut pilersortoq, aamma inuiaat imminnut aallaavigalutillu isumalluutigisut  
siuarsarneqassappata nunalerisortavut nersutaateqarnermillu inuussutissarsiortavut  
akilersinnaasunnorsartariaqarpavut. Nalunngereerparput nunalerinertatta siunnerfiat  
naalackersuinikkullu siunertat avissaaqussimasinnaangitsut. Siunnerfeqaqatigiinneq  
aallartinneqassappat politikkikkut aningaasarsiornikkullu siunnerfiit pisariaqartippagut.

Taama naatsumik siunnersuuteqarlunga Inatsisartut Naalackersuisullu siunnersuummut  
isummorsorluuquakka. Neriutigaaralu Siunnersuut manna katersuuffigineqassasoq, taamaalilluta  
nunalerinermik inuussutissarsiortortatta nukittorsarnerat aallartissagatsigu.

**Pisortanut aningaasatigut allaffissornikkullu kingunerisassai:**

Nassuiaasiorneq AC-mi fuldmægtigip ukiup affaata missaani sulineranik naleqassangatinneqarpoq,  
tassa 250.000 kr.

**Namminersortunut aningaasatigut allaffissornikkullu kingunerisassai:**

Soqanngilaq

**Innuttaasunut aningaasatigut allaffissornikkullu kingunerisassai:**

Soqanngilaq